



Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 17-93/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.93/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.93/a



Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CINAGL 1.7.93/a

Book VI
I

HENRICI MEIBOMII
DE
DIVI JULII
DVCIS BRVNSV.
ET
LYNEBURG.
FVNDATORIS ACADEMIÆ
JULIÆ
POSTERITATE

in Masculis quidem extincta, sed per Fæminas
in Nepotibus florescente

ORATIO
IPSO ACADEMIÆ NATALI
XV. Octobr. A. cId Id c. LXXXV.

Habita


IN JULEO.

—o—o—o—

HELMESTADI,

Typis & sumptibus GEORG-WOLFGANGI HAMMII,
Acad. Typogr.

Anno M DC LXXXV.



SERENISSIMO PRINCIPI
AC DOMINO,

DN. LVDOVICO
RVDOLPHO

DVCI BRVNSVICEN-
SIVM AC LVNÆBVR-
GENSIVM

DOMINO SVO CLEMEN-
TISSIMO

FELICITATEM PER-
PETVAM

OPTAT

DEVOTISSIMA MENTE

HENRICVS MEIBOMIVS.

SERENISSIMÆ
PRINCEPS

DOMINE CLEMEN-
TISSIMÆ



Uam SEREN^{ti} VESTRÆ
offero Oratiunculam, pauca-
rum pagellarum, & nullius
cultus, ea tanti non erat, ut
ad Italiæ Galliarumque confinia, & cultis-
simum

simum Taurinum mitteretur, & à S. V. legeretur, nec ego tanti Nominis præscriptione ambitiosior abuterer, nisi illi pretium statueret argumentum. Argumentum enim Abavus Vester, à Patre & Matre, DIVUS JULIUS, ejusque Posterì, Majores, Parentes, & Cognati Vestri sunt. Nulli extant in tanto numero, in quibus non bellicæ aut togatæ virtutis, prudentiæ summæ, pietatis seriæ, documenta legere liceat: plurimi eorum, inter Imperii graves curas, cum Musis quoque commercia habuerunt, easque foverunt, amarunt, &, quod plurimum ad auctoritatem spectarum alias Virginum facit, suo exemplo aliis commendarunt. Quos quidem in hac ætate SER.^{tas} V^{ra} intueri, iisque ad Heroicos actus sese exstimulare, tantò majore cum voluptate & successu poterit, quantò fortius animos irritare solent ex propria Gente petita domestica exempla. Scio equi.

equidem, omnia ista SER^{ti} V^{ra} esse notis-
sima, quæ recensui, cum Historias, non dome-
sticas tantum, sed omnium Europæ Familia-
rum Illustrium, ad unguem calleat; non inju-
cundum tamen futurum arbitror, tot famæ &
æternitati consecrata nomina in compendio
legere, & tot illustria exempla uno conspectu
intueri, simulque meam in Fundatorem Aca-
demie nostræ pietatem agnoscere. Recor-
datur adhuc devotissima mente illorum tem-
porum Academia JULIA, quibus SER^{tas} V^{ra}
accessu suo propensum in eam, ejusq; mem-
bra, animum clementissime aliquoties osten-
dere dignata est, cupitque nunc monstrare, se
absentem pari cultu venerari, memoriamque
Virtutum Suarum semper sanctam servare.
Idque me potissimum interprete: quem SER.
V- majori semper clementia, et si causam il-
lius nescirem, prosecuta est; quique paullo
intimius novi, quanto ardore, inter cætera
orna-

2
ornamenta, excelsæ fortunæ fastigio digna, cum,
qui à sapientiæ studiis, & selecto eruditionis ap-
paratu Principibus accedere potest, splendorem
juvenilibus annis sibi acquirere, & summa indo-
lis capacitate eò eniti tentet, ut, quod à fortuna,
licet maximum, habet, minimum in ea aliquan-
do agnoscatur, propriisq̃ue & veris Heroicæ vir-
tutis pretiis, viventibus posterisq̃ue æstimerur,
Servet DEUS Opt. Max, SER^{ti} V^{ræ} illum ani-
mum, integraq̃ue sanitate, & omnibus mentis
corporisq̃ue dotibus ornatisimam, feliciter ali-
quando ad nos reducat, ut, quæ nunc vota pro ab-
sente facimus, ea impleta esse, cum SEREN^{mis}
PARENTIBUS, totaque Patria, lætabundi
cernamus! Helmstadii in Acad. JULIA, Prid.
Calend, Decembr. A, c i o i o c Lxxxv.

Magni-



*Magnifice Domine ProRector,
Illustrissime Domine,*

DN. HENRICE XIII.

Sen. Lin. Neuß /

S. R. Imp. Comes, Comes ac Domine de **Plauen** /
Domine in Bretz / Gera, Schleitz / Lobenstein &c.
Domine Gratiose,

*Spectabiles omnium Ordinum Decani,
Admodum Reverendi, Nobilissimi, Consultissimi,
Experientissimi, Clarissimi Domini Professores,
Collega honoratissimi,*

*Plurimum Reverendi Domini Pastores, Hospites
& Amici honorandi,*

*Et Tu, praestantissimorum Juvenum, in latam spem
patriæ crescentium, nobilissima concio.*

Quem



Quem vix dum orientem devota
sanctitate in Ecclesiae cætu, conjunctis
cum oppidi incolis votis, celebrare cæpi-
mus, & nunc occidentem litterata pietate
soli absolvere decrevimus, Iduum Octobris diem, Nata-
lis est maximi Principis Divi HENRICI JULII. Idem
Natalis est hujus Academiae nostrae, &, ut compendio
verborum dicam, omnis sanæ de Deo doctrinae, omnis
rectæ eruditionis, omnium artium & scientiarum, à
piissimo & summo Principe D. JULIO Duce Brunsv.
& Lyneb. (assurgite quæso ad tam sanctum & venera-
bile nomen Auditores) Divo, inquam, Julio ad hunc
Germaniæ angulum propagatarum Natalis. Duplici
igitur gaudio lætus dies! lætissimus quondam illis ma-
joribus nostris, qui Patre Filioq; tantum opus peragenti-
bus, ante hos novem & centum annos, inter applausus
Patriæ totius, Deo Principibusque hymnos cecinerunt.
Nec tamen fortassis diu Academiae Juliæ Natales fuis-
sent celebrati, nisi fuisset HENRICUS JULIUS, Prin-
ceps doctior incertum, an amantior doctrinae & docto-
rum: nec sine causa pius, & in minoribus quoque acu-
tè prudens, parens JULIUS filii sui HENRICI JULII
Natali

(2)

Natali die hanc Academiam erigere voluit, quam, ut Junior Princeps, quoties sui Natalis diei meminisset, Academiae quoque, & propagandorum studiorum recordaretur. Nec fortassis hæc magnifica, & in Europæ eruditæ invidiam erecta, Domus, staret, nisi HENRICUS JULIUS voti paterni memor fuisset, cui vivus partem Academicæ curæ dederat, moriens omnem reliquerat Parens. Principi ab incunabulis omni doctrina innutrito, inque magnificis ad DEI honorem ædibus excitandis, si unquam quisquam, glorioso. Jussi vero sumus, hunc Academiae nostræ Natalem quotannis celebrare, & in Conditoris D. JULII laudes pia oratione ora nostra linguasque solvere. Quo quidem more, quid pulcrius, quid dignius? Quid pium magis, quam si Conditori & Fundatori suo, publica auctoritate gratias agat Academia? Sed, cur jussi sumus? An quisquam nostrum ita bona sua non intelligit, aut ita ingratus est, qui non sponte sua id agat? qui non ob tanta beneficia DEUM, & DEI in his terris ad tantum opus exequendum ministrum JULIUM sanctè veneretur, & prolixè laudet? Dum de eo, quod terra genuit, quod sol aluit, quod annus tulit, quidam primitias, decimasque DEO & benefactoribus suis offerunt, nos non primitias, sed quicquid parere ingenium nostrum potest, quicquid doctrinæ ubertas proferre, totum quantum quantum est, consecrare fundatoribus, statoribusque nostris debemus. Diem igitur tantum dictum credo, horam determinatam, quâ id publicè ageremus, ipsum vero pietatis officium, ipsam devotionem, ipsam cultus sanctitatem mentibus & conscientiis nostris relictam esse, quæ pleno ore sensus gratos

(3)

tos semper & ubique promeret. An quisquam eorum, qui hîc docent, qui; hîc discunt, nominare Academiam potest, quin, ad conditoris JULII sanctum nomen venerandum, pari ardore accendatur, ac ille quondam divino instinctu ad excitanda recta studia & veram religionem, penè sine æmulo, sine exemplo, fuit accensus. Affecuta est nomen Tuum Academia hæc, DIVE JULI, ut semper, in illo rerum humanarum Euripo, succedentibus novis Dominis, agnoscat tamen ut tua; ut, àudito nomine, semper recordemur, à quo meruerit vocari. Hoc Auditorium, digna Apolline ipso sedes, hoc JULEUM, ex quo tam magnificè conditum, & ante hos septuaginta septem annos hoc ipso die pie inauguratum, hæc superbæ pilæ, hæc alta laquearia, JULII & JULIADUM laudibus plus millies, ut ita dicam, sonuerunt. Illius in adolescentia mirum fatum, in viro virtutes & stupenda facta, in seniore prudentiam, disertissimæ linguæ, verbis exquisitissimis, elegantia, nitore, copia singulari, prorsâ vorsaque oratione, exposuerunt, publico dein typo exscriptis, ut orbis terrarum debitæ pietatis testis adhiberetur & conscius. Illum Constantino M. illum Theodosio, illum Carolo M. pietatis, religionis, litterarum propagatarum, & fugatæ barbariei nomine æquaverunt, an prætulerunt? Si hodie quisquam inter Christianos dubitaret, forte casuque, an DEO auctore, Rectores terris darentur, hunc tamen Principem JULIUM afflictæ patriæ divinitus datum, ex historia temporum illorum discere posset. Acceperat post mortem Patris Rempublicam plenam sollicitudinis & timoris, cum nihil esset mali, nihil adversi, quod non præteritarum

A 2

rerum

(4)

rerum imagine mali expectarent, boni metuerent. Erant in his regionibus omnia pene adhuc squallida barbarie, obscura superstitionibus, fæda erroribus, omnium scientiarum & artium, præterquam bellicarum, supina ignorantia: meliora conantibus obstabat bellum, inimicum legibus, litteris, pietati. Chaos dixisses, non rempublicam, ipsis terrarum Dominis aliquamdiu ejectis & exulantibus. Hæc in ordinem redigere, hanc caliginem depellere, squallorem detergere, obscuritatem illustrare, DEI opera videbatur, vix hominis. At JULIUS mox ad bene sperandum signum sustulit, novoque exemplo feliciter ostendit, instrumenta magnæ fortunæ esse sapientiam & doctrinam. Ille nec cogitantibus, nec opinantibus, (quoniam fieri posse non videbatur) tranquillitatem & salutem omnibus reddidit. Ille pacem patriæ dare, cum finitimis colere, litteras bonasque artes excitare, leges salutare condere, in veram religionem inquirere, eamque posteris relinquere. Hæc sunt omnia cum plena laudis, tum propria JULII. An credimus, ita prius turbatam rempublicam, veram religionem oppressam, falsam omnibus viribus defensam, ut in D. JULIO novo experimento patria disceret, cui post DEUM suam salutem, cui veros de DEO sensus, cui doctrinæ decus deberet? Dedit DEUS pacem, & auxit Principis potentiam, ut, quantum vellet, tantum posset, nec piis ejus conatibus resisteretur, felicitate temporum inter togæ studia efflorescente. Gratulari merito sibi hæc patria debet, quod ille in hac potissimum, in spem regiminis, natus: necesse enim ibi florere omnia, justitiam, pietatem, doctrinam, ubi ille imperium tene-

ret

uerent.
 uallida
 oribus,
 bellica-
 bñtabat
 Chaos
 inis ali-
 em re-
 deter-
 ur, vix
 ignum
 instru-
 rinam.
 m fieri
 omni-
 nitimis
 lutares
 ue po-
 laudis,
 turba-
 n, fal-
 o novo
 am fa-
 decus
 is po-
 ec piis
 i inter
 i hæc
 em re-
 justi-
 tene-
 ret

ret. Provenerunt illi ex diligenti rei familiaris consti-
 tutione, commerciorum amplitudine, metallorum
 ubertate, ingentes thesauri, quos effunderet; quan-
 quam non sum usus verbo, quo decuit; non enim effu-
 dit, sed in salutem reip. collocavit, & fœnori elocavit,
 quo uberrimo posteritas gaudet. Nullum Principe,
 immortalitatemque merituro, impendii genus dignius,
 quam quod hoc modo ad salutem posterorum eroga-
 tur; ideoque, si non reliquis maximis factis, hoc solo
 divino & immortalis, quo Academiam erexit, æterni-
 tatem nominis consecutus esset JULIUS. Sunt vero de-
 inde Avitum Paternumque exemplum secuti Filius,
 Neposque, &, sicut Divus Parens JULIUS ipsum Ly-
 ceum condiderat gloriose, & dotaverat liberaliter, am-
 plis quoque redditibus assignatis pro iis, qui à fortuna
 derelicti Principis gratiam, non ut Domini, sed ut Al-
 toris, expeterent: ita HENRICUS JULIUS, cum alia
 multa, tum hoc imprimis illustre Ædificium magnifice
 extruxit. Magnum sanè opus, quod nobis reliquit: ma-
 jus tamen, quod in animis omnium, in quod nil flam-
 mis, nil vetustati licet. Nepos deinde FRIDERICUS UL-
 RICUS tria insuper Monasteria cum prædiis suis, in sala-
 riorum augmenta, & Academicos usus, munificus le-
 gavit, & illam quoque eximiam Bibliothecam, usibus ho-
 die omnium patentem: ut ita horum conditorum &
 benefactorum nostrorum laudes non homines tantum,
 sed lapides ipsi & libri, muta licet & inanima, loquan-
 tur. Quid ergo est, Auditores optimi, quod quisquam aut
 dignum DIVIS illis, aut Vobis novum, aut cuiquam
 inauditum, possit adferre? Frustra sanè vos mora-
 bor, & sterilis hæc mea videbitur oratio, si toties dicta,

(6)

toties repetita, neminiq̃ue ignota afferam, & nulla nova materia facundus, à prioribus eleganter dicta, incompto sermone deteram, & ingratam crambem fastidius apponam. Sumam igitur argumentum, hætenus indictum, & fortassis afferam quædam nec obvia, nec promiscuè nota, certe hoc in loco, eo orationis filo, exposita nunquam. Cum enim ante hos quinquaginta & unum annos, in FRIDERICO ULRICO, JULIA gens, & illa adeo benigna Musis Conditoris nostri masculula stirps deficeret, multis lamentis publicis, pluribus gemitibus privatis, in hac Academia jacturam illam nostri Antecessores perpenderunt. Et ex eo tempore Heroicum illud Genus occidisse, nunquam non audivimus. Ostendam vero ego nunc, moderata debere esse lamenta illa, cum non in Heroibus masculinæ stirpis planè defierit, sed per Heroinas occultè proserpens novis dein Semonibus lætiori auspicio fulgere cæperit. Est jam tum felicitas huic ATESTINO GVELPHICÆ genti per alterum sexum planè fatalis. Illa in Bavaria primum per Cunizas, mox in Saxonia hac per Wolfhildas, & Gertrudes amplissimis patrimoniis, quin etiam dignitatibus aucta est. Et vero in tanto genere ne filia quidem existere debuit, quæ non Heroum mater esset, Diis genita & genitura Deos; tanto latius se per filias diffundentibus ramulis, quo magis, in alios insertæ truncos, ultra cunabula sua, ad terras, etiam ubi non natæ sunt, transferuntur. Ut igitur Sol vesperi quidem suos nobis subducit radios, sed altero mane lætior redit: Luna quoque interdum dimidiata apparet, aut quasi tertiata, tandemq̃ue oculis se nostris subtrahit, mox pleno iterum fulsura orbe: ut ipsa quoque

que flumina terras alicubi intrant, & subtus abscondita
meant, emerfura dein iterum ex abdito, plenoque
alveo lapsura ad mare: ita JULIA gens, extinctis
masculis Principibus, abscondita quasi, & sepulta, &
ab illorum, qui propinquiora saltem vident, oculis re-
mota, integra tamen florensque in Nepotibus à me
ostendetur, non in aliis tantum terrarum plagis, sed his
ipsis quoque avitis terris, certa Annalium fide, & secu-
li curiosioris conscientia.

Si igitur nobis fas hodie mortalem vocem ad cælo
receptum Heroem referre, si quis adhuc sensus apud
cælestes animas rerum terrestrium superest, aspice
nos hic, DIVE JULI, ea clementia, quo semper Tuam
Juliam; eo affectu, quem toties benignum lauda-
runt Antecessores nostri; eo vultu, quem nunquam
non serenum Avo meo ante integrum seculum
ostendisti, quoties te tuosque mascula voce caneret:
audi clementer, post tot subjectissimi affectus & devo-
tionis nostræ experimenta, hanc de Filiabus Tuis ea-
rumque Nepotibus orationem, hanc factorum tuo-
rum appendicem, has non mei ingenii, sed virtutis,
tuorumque meritorum voces. Vos vero, omnium or-
dinum Auditores honoratissimi, date hoc Conditoris
hujus Academiæ gloriosæ memoriæ, &, si forte lon-
gius vos detineam, cogitate, quam varia terrarum spa-
tia mihi emetienda sint, nec intra terminos Occari,
Albis, Visurgisque subsistendum, sed modo ad Salam &
Elystrum, modo ad Nicrum & Rhenum, modo ad
Vahalim, Isalam, Scaldim, Mosam, sæpe etiam ad
utrumque Septentrionale & Balthicum mare excur-
rendum: & interea patienter audite, non elegantia ser-
monis,

monis, sed rerum varietate, & historiae veritate imprimis placituram.

Duxerat D. JULIUS uxorem HEDWIGIN Joachimi II. Electoris Brandenburgici, qui ob eloquentiam & litteras inter Germaniae Principes maxime eminuit, filiam, Sigismundi Poloniae Regis neptem, duabusque illis maximis Domibus, in quibus omnigena virtutum exempla, coeuntibus, nata erat soboles multa, praeter scilicet HENRICUM JULIUM, tres filii, filiae plures. Prior Ducatum accepit. Alter PHILIPPUS SIGISMUNDUS Cathedralis Ecclesiae Halberstadensis Praepositura ornatus, à Capitulo Verdensi, Episcopo Eberhardo ab Holle mortuo, in Praesulem postulatus, & quinquennio post, cum Bernhardus Comes Waldeccensis, Episcopus Osnabrugensis, obijisset, illi quoque successor surrogatus est, difficillimis temporibus. Non est enim in Oceano major aestus, si quando Aolus frena laxat ventis, & Neptunus decumanos fluctus concitat, quam tum temporis in vicino Belgio excitabatur, fervente inter Hispanum & Unitos Belgas exitiabili bello. Hic igitur Praesulis Osnabrugensis prudentia imprimis enituit, & amor suorum, dum sollicitè cavit, ne quicquam periculi à vicina Cremona Mantuae suae; deditque interea operam, ut religio vera indies augmentum caperet: quibus pacis pietatisque studiis deditus & in caelibatu manens, obijt, nondum senex, magno suorum luctu. Reliqui duo JOACHIMUS CAROLUS & JULIUS AUGUSTUS hac Academia Julia studiorum suorum directrice usi, in hoc oppido aliquamdiu vixerunt, cum eodem tempore quatuor alii Serenissimae Domus Principes, Wilhelmus,

mus, Otto, Johannes, Fridericus, Ottonis Harburgici filii, Studiorum causa hucvenissent. Ex quibus JOACHIMUS CAROLUS, Canonicus Argentinenfis, & dein Præpositus, in Ungaria quoque contra Turcas sub Francisco, Saxoniae inferioris Duce, militavit, mortuus Calvordæ, anno hujus seculi XV, & in vicino nobis Vallis Mariæ Monasterio tumulatus, Vexillo ejus hodieque visendo: quem intra anni spatium secutus est placida morte JULIUS AUGUSTUS, Abbas Michelskeinenfis & Præpositus S. Blasii in Urbe Brunsvico, princeps pius, & Deo devotus. Solus igitur HENRICUS JULIUS propagavit familiam. Magnus erat passim luctus, quando ante hos nonaginta sex annos JULIUS, sexaginta & unum annos natus, (cui plura secula voverant omnes) post optime constitutam Remp. & pace firmatam, redditâ cœlo anima, humanis rebus eriperetur, requiem daturus sibi, postquam patriæ prius. Magnus, inquam, luctus! & revera etiam ingens id vulnus erat, visceribus ipsis patriæ profundè impressum. Cum tamen filium, HENRICUM JULIUM, rebus dubiis auxilium, relinqueret, hoc ipso, ut omnibus desiderandus minus desideraretur, effecit. Et ille quidem maximus Princeps, qui Danubium Visurgimque admirationis suæ fama conjunxerat, non suis tantum, vel Principibus Imperii, sed ipsis AUGUSTIS, Rudolpho, ejusque fratri Matthiæ, ob eminentem virtutem & prudentiam æstimatissimus, studiorum & hujus Academiae, Patre spoliatae, quasi relictus tutor, paterna vestigia subsequutus, religionem puram in vicinum Episcopatum Halberstadensem, cui simul præerat, introduxit, & pluribus

B

virtutis

virtutis, justitiæ, pietatisque editis documentis ubique inclaruit. Nec defuerunt ipsi utriusque sexus liberi. Secundo conjugio ex Elisabetha, Daniæ R. Friderici II. filia, nati sunt aliquot filii, munimenta Principalis Domus, ut jam iusta successione potentia firmata, & fecundo connubio roborata videretur. Primus ipsi, post FRIDERICUM ULRICUM, successorem, natus est HENRICUS JULIUS, quem à Patre, in clementiæ signum, & bono omine, Academia hæc Julia ex baptismo suscipere iussa est, mortuum tamen in pueritia. Alterum CHRISTIANUM Halberstadense Capitulum in Episcopum postulavit, venitque in hanc Academiam decimo sexto ætatis suæ anno, semperque illam amavit, & fovit, de quo imprimis Medicorum ordo gloriari potest, cui Tabulas Anatomicas, elegantia singulari depictas, dono dedit. Princeps fuit magni & erecti animi, sed celerrimi motus, deditque hoc occasionem, ut famam ejus lacerarent improbi pariter & ignavi, sui ingenii frigore heroicarum mentium calorem æstimantes, res vero ex eventu judicantes, cum tamen incidisse illum in fatalia quædam tempora, pluribus, & maximis mentibus inimica, nemo sit, qui nesciat. Mortuus est Heros anno seculi nostri vigesimo septimo, ætatis suæ vigesimo sexto. Tertius filiorum RUDOLPHUS, cum Episcopus Halberstadensis jam esset postulatus, Tubingæ in illustri collegio, inter maximæ spei præludia, mortuus est, ibique sepulchus. Ultimus HENRICUS CAROLUS, qui cum fratre CHRISTIANO, nondum sex annorum, in hanc Academiam venerat, Patre mortuo in Episcopum Halberstadensem postulatus, hic finem vivendi fecit. Magna de eo expectatio

tio passim, hic admiratio: amor ipse delitiumque omnium erat. Sed variolis malignis in gremio complexuque Academiae extinctus, Wolfenbuttelum in paternum sepulcrum ductus est, eodem quo ante quadraginta septem annos proavus ipsius Henricus Junior die. Solus supererat, FRIDERICUS ULRICUS, quo quidem nullum inter tot monumenta clarius relinquere potuisset Pater, veram effigiem virtutis suae, constantiae, & pietatis. At incidit virtus Illius in ea tempora, quibus Germania, & hic praesertim Ducatus, tristiora non vidit, quibusque immortuus est, cum saepius optasset, non nisi tranquillata patria ad originem suam, id est, caelum redire. O infelicem principem! O infelicem patriam, quae tristissimo tempore illo or-
bata est, sine relicta mascula sobole! Ne quidem enim conjugium illud, quod cum ANNA SOPHIA Brandeburgica, placentibus cunctis, inierat, felix fuit, quin infaecundum & eventu triste. Et sic in ultimo hoc, JULIAE gentis masculi perierunt omnes, & haec quoque Academia ad Lyneburgicos Principes, lineae Bernhardinae, iusta successione devenit. Erat quidem tum misera facies rerum, & nisi benignitas Divina ex machina advenisset, Musarum manubiae Marti fuissent consecratae, & ille, qui tentorium suum in his terris fixerat Mavors, Academia abolita, impietatem, incitiam, barbariem, filias suas, in hac sede collocasset. Verum Serenissimi Duces successores, sepositis litibus, cum reliqua essent partiti, hanc pulcerrimam gemmam indivisam linquentes, novo auctoramento suam fecerunt omnes, estque nunc illa, unius quondam rami filia, à tota Serenissima Potentissimaque

Domo feliciter adoptata, alternantibus Academiae
 sceptris. Interim in alienas domus insertae feliciter pul-
 lularunt Heroinae. Prima D. JULII filia, SOPHIA
 HEDWIGIS, ERNESTO LUDOVICO Pomera-
 niae Duci nupta, & à Patre Wolgastum deducta, clara
 omnibus virtutibus, sed maxime pietate & miseri-
 cordia erga pauperes aegrosque, pestilentiae impri-
 mis tempore monstrata, & publico scripto eo nomine
 à Boekelio celebrata. Nec infœcunda, sed PHILIPPI
 JULII, Animosi dicti, qui tamen stirpem suam anno sec.
 hujus vigesimo quinto terminavit, mater fuit; mater
 quoque duarum filiarum, quarum prior ELISA BE-
 THA MAGDALENA, FRIDERICO, GOTHARDI,
 primi Curlandiae Ducis, Filio: posterior HEDWIGIS
 MARIA, ADOLPHO, Duci Holsatiae, desponsata,
 utraque sine prole decessit. Felicior D. JULII secundo-
 genita MARIA, FRANCISCUM, Francisci Senioris
 filium, Saxoniae Inferioris, Angariae & Westphaliae
 Ducem, maritum nacta, eidem peperit novem ma-
 sculos, quinque faemellas, ex quibus, fratribus super-
 stes, JULIUS HENRICUS, heroicis virtutibus emi-
 nens, superiori Germanico bello clarissimus fuit, Caesari
 fidissimus semper: cujus adhuc hodie superest filius
 junior JULIUS FRANCISCUS, gloria rei militatis ma-
 joribus suis par, Exercitus Caesarei contra Turcam Dux
 Generalis, totius antiquissimae familiae nunc ultimus:
 quem diu fervet DEUS! Tertia D. JULII filia ELISA-
 BETHA, primo ADOLPHO, Comiti Holsato-Schaum-
 burgico nupsit, ei que unicum filium Buckeburgi pe-
 perit, qui apud Aviam hic in vicinia Hessenheimii edu-
 catus, cum jam jam in hanc Academiam avitam mit-
 tendus

tendus esset, decimo sexto ætatis anno mortuus est, cumque eodem anno, sec. hujus primo, subsequutus pater, tota nobili familia tandem in Ottone, anno hujus sec. quadragesimo, extincta. Nupsit dein vidua ELISABETHA, CHRISTOPHORO, Ottonis filio, Duci Brunsv. & Lynæb. Harburgico, cum quo infæcunda altera vice vidua facta est. Quarta DOROTHEA AUGUSTA, pii Patris pia filia, Deo devota, post obitum Annæ Ericæ Waldeccensis facta Abbatissa Gandersheimensis, inter pia de Deo & cum Deo colloquia vixit, anno demum hujus seculi undecimo mortua. Ultima filiarum HEDWIGIS nupsit Ottoni Harburgico, modo memorati Christophori fratri, & ipsa infæcunda. Ut ita infelices quoque in posteritate sua filia D. JULII fuisse videantur, exque omnibus solus JULIUS FRANCISCUS, Inferioris Saxonie Dux, D. JULII pronepos, superfit. At feliciores fuerunt D. HENRICI JULII filia. Quam enim ex prima Coniuge DOROTHEA, AUGUSTI Saxonis filia, Regis Daniae Nepte, genuit filiam DOROTHEAM HEDWIGIN, ea antiquissimæ Anhaltinorum Principum Domui per conjugium inserta est, nuptiis cum RUDOLPHO ante hos octoginta annos celebratis. Fuit ille princeps celeberrimus sapientia & virtute, conjugium concors, nec infæcundum, quatuor scilicet filiabus, ex quibus duæ superstites in alienas domos translatae fæcundæ fuerunt, reliquarum una, cum Matre, tumulatâ, quæ ipsa quarto conjugii sui anno Maritum filiasque morte immatura deferuit. Prima DOROTHEA Duci Brunsv. & Lynæb. AUGUSTO, non avitæ hujus Brunsvicensis lineæ, sed alterius Cellensis Dannenbergicæ, nupsit, qui tum quidem

dem Hiltrigeræ ad Jetzam amnem aulam habebat, virtutis & eruditionis fama clariorem, quàm loco, mortuo autem FRIDERICO ULRICO ad Regimen Ducatus provenit, & illarum quidem terrarum, quas Dorotheæ Avus, Proavusque tam feliciter rexerant. Dicerem de illo summo Principe, Germaniæ Nestore, multa, nisi eruditorum calamos dudum lassasset, ipse eruditissimus pariter, & non hujus tantum Academiæ, sed omnium eruditorum, quâ cultior orbis patet, incomparabilis patronus. Dicerem pluribus, nisi ante hos novemdecim annos mortuum in hac cathedra laudasset & luxisset, superstitibus adhuc, qui tum suos genitus cum meis junxerunt, Id paucis fateri cogimur, ejus sub imperio nullum annum, sæpe ne mensem quidem, aut beneficio sterilem, aut vacuum laude erga hanc Academiam fuisse. Ex illo vero AUGUSTI & DOROTHEÆ conjugio nati sunt tres Filii, & totidem Filiæ, tandemque mater septimi partus triduanis laboribus succubuit, & cum fœtu sepulta est, undecimo conjugii, octavo & vigesimo ætatis anno. Filiorum primus HENRICUS AUGUSTUS bimulus mortuus est, reliqui duo superstites adhuc sunt, divino beneficio, RUDOLPHUS AUGUSTUS, & ANTONIUS ULRICUS, nuper à Fratre in consortium & dignitatem Imperii assumptus, raro amoris, raro concordie fraternæ exemplo, quam non minus in Serenissimis his Fratribus, quam totâ potentissimâ BRUNSVICO-LYNÆBURGICA DOMO admirantur exteri. Ex AUGUSTI filiabus SYBILLA URSULA & CLARA AUGUSTA superstites, Holsaticis Wûrtembergicisque splendidissimis matrimoniis innexæ fuerunt, priore jam

Vide Epistolam Regis Magnæ Britanniæ Jacobi II,

jam tum mortua, altera ad huc superstita, orbata qui-
 dem Marito, magno Principe FRIDERICO, cujus toga
 sagoque inclyti virtus & prudentia, & pro Imperii Ger-
 manici libertate publico nomine susceptæ curæ nemi-
 nem latent, non deficientibus tamen liberis, in quo-
 rum pectore heroicus ebullit sanguis, nuper quoque
 contra Christiani nominis hostem fusus, non effusus.
 Sed redeundum nobis ad Principes Fratres, Brunsvic.
 & Lynæb. Duces, quorum uterque mores eosdem, uter-
 que JULII habet, hoc est, pietatem, doctrinam & studia
 recta amant fovētq; , deditq; hoc DEUS illis, ut Proavi
 sui successores in Ducatu, has terras imperiū moderen-
 tur, & non tantum hujus Academiæ à Julio fundatæ
 Patroni, sed seorsim ipsius oppidi, quod domicilium
 felix est Academiæ, Domini sint. Fortassis & illi, qui
 secretiora curiosius fata rimantur, Brunsvicensis Ur-
 bis ad obedientiam reductionem, cessā illā in totum
 RUDOLPHO AUGUSTO, hoc in loco expendent.
 Scilicet Urbs magna, & primaria totius Ducatus à re-
 liquo corpore sese exemerat, Principesque suos vix
 comiter respiciebat, unde Henricus Senior eam armo-
 rum vi primus, dein Henricus Junior, mox Henricus
 Julius bis, tandem Fridericus Ulricus aggressi, tor-
 mentis majoribus omnique belli vi, & stratagemate,
 oppugnarunt, licet frustra. Et Henricus Julius filia
 suæ Dorotheæ Hedwigis nuptias eo ipse tempore cele-
 brari fecit, quo urbem, anno seculi hujus V. obsedit,
 non sine omine, nasciturum scilicet ex illo conjugio
 Nepotem, qui vindicaret Avos suos, *ex ossibus ultor*.
 Urbs quidem semper refractaria, ex quo per potentiam,
 libertatis effrenes spiritus induerat, iisdem muris, qui-
 bus

bus suam salutem tueri videbatur, ultorem inobedientiae DEUM includere se nesciebat, & nihil minus metuebat, quando RUDOLPHUS AUGUSTUS, ante hos decem & quatuor annos, quod frustra tot principes, Majores sui, tentarant, Cognatorum, & jam consentientium, Ducum auxilio perfecit, & in quos Atavus, Abavus, Proavusque justae irae suae fulmina vibraverant incassum, eos ipse Abnepos, post ostensa ea tantum, ad meliorem mentem reduxit, validamque urbem in gratiam recepit, nullorum jam munimentorum indigam, amore Principis sui securam, in illiusque sinu laetè quiescentem. Vivant diu Serenissimi Principes, Reipublicae & Academiae nostrae bono! Floreat RUDOLPHI AUGUSTI per filias posteritas, non Guelphicis tantum, sed Holsaticis quoque connubiis laeta! Floreat ANTONII ULRICI soboles mascula, & dum Saxonicas Badensesque & Schwartzburgicas familias filiae, illae Guelphicum genus ad seros usque nepotes, nunquam interrupto cursu, propagent. Nemo quidem nostrum non doluit gravissimè, quando ante hos novem annos magnus Princeps AUGUSTUS FRIDERICVS, ANTONII ULRICI F. in quo HENRICI JUNIORIS fortitudinem & constantiam, JULII prudentiam & pietatem, HENRICI JULII temperatam fortitudine sapientiam laetè efflorescere videbamus, in quo Saxonia HENRICUM LEONEM, Germania ARMINIUM sibi promississet; quando, inquam optimus ille Princeps, in ipso flore ætatis, in præcoce cursu virtutis, præfectus jam pedestri legioni, hostili globo in Philippopolis obsidione periit. At, dum ille auspiciis CÆSARIS, pro Germaniæ libertate, in terram effusus
heroicus

heroicus sanguis, laudem gloriamque simul in omnes orbis angulos diffudit: cumque celeritate virtutis ubique annos suos præcurrerit, non illos, sed facta numerabit posteritas. Interim gaudemus, quod ramo

uno avulso non deficit alter

Aureus, & simili frondescit virga metallo,

superstitibus adhuc AVGVSTO WILHELMO & LUDOVICO AVDOLFO, optimis Principibus, quique erga hanc Academiam quoque benevolentiam suam sæpius præsentibus testati sunt, verè JULIVM genus servet utrumque DEVS, & alterum feliciter ad nos, principali fastigio dignis virtutibus cumulatiorem, reducat!

Sed jam decurrit oratio mea ad alteram D. HENRICI JULII neptem ex RVDOLPHO ANHALTINO, ELEONORAM, quæ FRIDERICO DVCI Holsatiæ, CHRISTIANI III. Regis Daniæ nepoti, nupta, multa illum prole parentem fecit. Nobis tamen nunc potissimum memoranda est ex filiabus ELISABETHA JULIANA, felicissimo fato in amplexus ANTONII ULRICI, in avitam iterum domum, translata. Quam bene conveniunt JULII Abnepos, & Abneptis! D. HENRICI JULII pronepos & proneptis! Quam felix illud conjugium! quot Heroum & Heroinarum proventu beatum! Olim apud Romanos placebant sibi AVGVSTÆ, titulo MATRIS CASTRORVM, MATRIS EXERCITIVM, hodieque in nummis superstitibus gloriosæ illæ inscriptiones leguntur. Ah! maneat Martiæ genti, & absit à sexus pietate ille nescio quid horridum sonans titulus, appellemusque ELISABETHAM JULIANAM, MATREM STUDIO-

C

RVM

RVM, MATREM ACADEMIÆ. Et cur non appelletur Mater nostra, quæ JULII Fundatoris & Patris nostri Abneptis, Divum genus tam feliciter propagat; quæ filios peperit, studiorum & Academiæ affectu futuros Patres.

Thuaſſus
l. 136.

Diffundi in immensum video orationem meam, Auditores optimi, & vix dum de una D. HENRICI JULII filia SOPHIA HEDWIGIS egi. Properandum igitur fuerit, aliquo verborum compendio, nullo tamen veritatis dispendio. NASSOVIIIS dedebatur altera HENRICI JULII filia, SOPHIA HEDWIGIS. Quis vestrum illam Domum nescit, in utroq; solis notam cubili? quæ ex suis WILHELMVM in Augusta Cæsarum sede vidit, quæq; ultra viginti annos in Principum jam ordine claret. Summæ olim in orbe Christiano potentiae, ne magnitudine sua plus justo insolesceret, opposuisse eam visus est DEUS. Sic per illos Hispanæ insolentiae obex positus, per illos Resp. Batava honore aucta, Regibusque & summis principibus æquata est, fama magna, divitiis & potentia major, oriente & occidente facto vestigali. In aliis familiis semper quidem nonnulli sunt, qui Martem ament, & castra sequantur. In hac nullum pene invenire licet, qui non bello inclauerit: ita omnes tropæis clari, ignotas quoque terras victorias secuti, eas impleverunt. Non Rheno, non Mosâ, sed Tago, & ipso Platæ amne, & qui sui terminum nescit, Oceano demum Victoriæ illorum terminantur. Dedit Nassovia gens jam Maximiliani I. temporibus Belgio præfectum Engelbertum, secutis temporibus alios, vindices semper libertatis, statores reipublicæ. Dedit eadem Frisiæ. Finiente seculo superiori florebat ex illis gloria armorum, & prudentia, ita

ita eminentibus ERNESTVS CASIMIRVS, ut non tantum Ordinum Fœderati totius Belgii Campi Marescallus, sed & Frisæ Groningæque Præfectus constitueretur, celsus hæreditaria Nassoviorum dignitate, major Præfectura, maximus pilorum signorumque honore, nec tantum suis verendus, sed hostibus timendus Princeps. Huic in Brunsvicensi obsidione anno seculi huius quinto cognito, biennio post primogenitam filiam ex ELISABETHA, Daniæ Regis filia, SOPHIAM HEDWIGEM in ipso ætatis flore, decimo quinto ætatis anno, despondit Parens HENRICUS JULIUS, nuptiis Groningæ celebratis. Ex eo tempore novo semper & continuo victoriarum cursu in Vesaliæ expugnatione, ad Sylvam Ducis, ad Arenacum, alibi ad Mosam, maximi Ducis munus, non diffitente Ibero, implevit, *vigil, circumspectus, acer, omnium in castris fatigator, in defessus ipse: non quieti, non permissa somno, munus eximere consuetus*, ut eleganter loquitur Cl. Heinsius in historia Rerum ad Sylvam Ducis gestarum, toto libro æquus virtutis Casimirianæ æstimator, & diligens præco. At fatalis ipsi fuit annus seculi huius trigesimus secundus, magnis contra Hispanos Austriacosque molitionibus destinatus, fulminantibus hinc Belgis, inde Gallis Svecisque, jam fæderatis. Inviæctus Heros Auriacus Fredericus Henricus fæderati Belgii exercitum ad Venloæ Ruremundæq; obsidionem duxerat, comitatus Ernesto Casimiro, ob cognatum sanguinem caro, at ob virtutem bellicam cariore. Verum, dum occupatis reliquis ad Venloam, Casimirus cum Scotis, aliisque legionibus Ruræmundæ oppugnandæ munimenta excitat, & aggerem continuum castrensem equo descendens inspicit, globulo in capite vulneratur, eo eventu,

Hist. de
Fred. Henr.
de Nassau
p. 150.

ut inter tertiam quartamve ab infelici ictu horam moreretur, magno totius exercitus dolore, majori ipsis ductoris HENRICI FRIDERICI, quo propius ejus virtutes noverat & intelligebat, victoriarumque suarum frequenter habuerat comitem, interdum causam. Ductum est Leovardiam corpus, & dignis tanto Heroe funeralibus compositum. Bonum vero factum, quod non extinctum cum eo genus! Supererat Brunsvigica Vidua, magnique Mariti jacturam Filiis duobus solabatur, paternae gloriae æmulis, Patris etiam dignitate auctis. At ex illis prior natu HENRICVS CASIMIRVS paterno quoque fato glorioso, accepto ad Fortalitium Nassaviense in Flandria vulnere, decimo tertio inde die, ante matrem occubuit, sed sine liberis. Alter WILHELMVS FRIDERICVS, unicum Matris solatium, patris fratrisque exemplo Frisiae, Groningae, Omlandiae & Drentiae gubernator, & Capitaneus Generalis, illustri cum Henrica Emilia, Frederici Henrici Auriaci filia, matrimonio auctus, fortitudinis suae, durante bello, & ad Dalense imprimis Castrum, speciminibus editis, familiam propagavit, bina sobole, una mascula, faeminea altera. Doluerunt omnes hujus magni Ducis fata ante viginti & unum annos, quando non in bello, quod fortassis majorum suorum exemplo optasset, non ab hoste, quod gloriosum sed à seipso, emisso fortuito globulo, verso ad os scopeti orificio, ita in maxillis fuit vulneratus, ut factis novis per ossium fragmina & dentes disiectos vulneribus, contusionem gravissimam gangraena exciperet, septimo die lethalis. O triste fatum optimi Principis! qui victoriis penè annos æquaverat, hoste semper major, vulnereque contemtor, sibi ipsi lethale vulnus

Vide Epl.
Stolæplius
& Deusin.
gii.

vulnus infert. Cum tamen ita vita pariter, & amplissima præfectura cecidisset, filio HENRICO CASIMIRO, ejusdem sanguinis non tantum, sed & animi principi, hæc data est, cumque citius per ætatem non posset, ante sexdemum annos solenniter ab Ordinibus eam accepit. Vivat generosus princeps D. JULII Atnepos, D. HENRICI JULII Abnepos, Divumque genus ducta nunc HENRICA AMALIA, Anhaltina, lætantibus cunctis propaget. Ex eadem vero Nassovica familia, ejusdem Dillenbergico ramo, avo Georgio, patre Henrico Ludovico, natus GEORGIVS LUDOVICVS, ANNAM AVGVSTAM, Henrici Julii ultimam natu filiam, duxit, quæ fecunda mater facta, unicum filium HENRICVM reliquit, qui ex Lignicensi Principe utriusque sexus liberos, in spem solatiumque posteritatis, & magnorum Avorum gloriam, suscepit.

Sed aliò me vocat argumentum. Aliò autem? quasi vero jam satis de illustrissima Nassovica domo dictum sit, de qua nunquam satis dici potest.

Sed cætera norunt,

Et Tagus, & Ganges, forsan & Antipodes.

Mea jam ad tertiam Henrici Julii filiam ELISABETHAM decurrit oratio. Illa primò AVGVSTO, Duci Saxoniae, Electoris Christiani I. filio, magni Augusti nepoti, data est, mente valido, corpore infirmo, post cujus immaturam mortem JOHANNI PHILIPPO, Saxoniae etiam Duci, Altenburgico, cessit, cujus dein mascula omnis propago esse desit. At ex illo felici matrimonio nata filia ELISABETHA SOPHIA, & in alteram stirpem Saxonicam translata, nupsit ERNESTO, cujus ob plurimas virtutes & regendi artes, & rei Oeco-

nōmicæ singularem peritiā, ubique valde celebris est memoria, ob pietatis serium cultum & promotionem longe celeberrima. Non poterat D. JULII, veræ in Saxonia inferiori religionis & pietatis propagatoris, proneptis melioris Principis thalamum intrare, quam ERNESTI, qui sine exemplo pius, nihil aliud prius aut antiquius toto regiminis sui tempore habuit, quam ut collapsam ferali Germaniæ bello pietatem in suis, ubi id imprimis licebat, terris, restauraret. O quàm beata domus illo consortio! quot accefferunt Principatus! non ferro acquisiti, non humana opera, sed per legitimam hæreditatem, totidem divinæ benignitatis testimonia. Accessit cœlesti favore sæcunditas thori, nec temerè tot sese munimentis vidit firmatam Principis domus, septem liberis masculis ornata, qui nunc præter ultimum omnes, ductis uxoribus, ERNESTINAM stirpem, JULIAMque propagant. Nec reticendum hoc loco mihi est, tertio genitum filium, BERNHARDVM, Bernhardi, Germaniæ Achillis, nomine, patris Ernesti pietate clarum, altero conjugio duxisse ELISABETHAM ELEONORAM, Ducis Brunsv. & Lyneb. ANTONII ULRICI & ELISABETHÆ JULIANÆ filiam, ab utroque parente D. JULII abneptim, cum Maritus ejusdem D. JULII per matrem abnepos sit. Et dubitamus adhuc, an D. JULII posteritas super sit, quæ per utramque Saxoniam tam amplis principatibus, regnisque dominatur? Quarta quidem filiarum HENRICI JULII, HEDWIGIS, memoranda etiam adhuc est, quæ tamen, cum ULRICO Pomeraniæ Duci, & Episcopo Caminensi, nupsisset, nulla dein relicta sobole, obiit. Nec quinta reticenda, DOROTHEA, quæ CHRISTIANO WILHELMO, Marchioni Bran-

Brandenburgensi, Administratori Magdeburgensi, nupsit, felici fortassis Principi, nisi illis calamitatibus & miseriis, quibus Germaniam omnem punire Deus decreverat, inter primos involutus fuisset. Vidit ipsa cum Marito dilectæ Metropoleos suæ horrendum excidium, vidit, & ea tulit, quæ meminisse horret animus, luctuque refugit: versam tamen rerum scenam, hostiumque suorum vim fractam intuita, pacemque Germaniæ, quod unicum optaverat, redonari cum aliis lætata est, unicamque filiam SOPHIAM ELISABETHAM Wilhelmo Saxoniae Duci dedit, quæ tamen sine liberis decessit.

Non vana igitur est promissio divina, ducitque à Patribus benedictionem piorum soboles, & late in terris se propagat, etiamsi ad masculos, aut fæmellas adstricta non sit. Vidimus nos, JULIAM stirpem masculam quidem defecisse, sed Heroínas egressas patria domo alibi terrarum se virtutemque & pietatem multiplicasse. Vidimus ex illis natos Heroas, libertatis religionisque veræ sanguine suo vindices, rectorum studiorum tutores, Academiarum & eruditorum patronos. Serva DEVS, & protege, quicquid est JULII sanguinis! imitentur facta Tua Pronepotes & Abnepotes, decorentque vitam virtutibus, Rempubl. meritis, annales gloria sempiterna. Nos verb, qui mascula D. JULII fobole extincta, totius Potentissimæ Domus BRUNSVICO-LYNEBURGICÆ facti sumus clientes, in privilegiis nostris conservati, novis beneficiis aucti, triplicique jam clypeo tutiores, rogemus hoc die, supplici prece, Opt. Max. DEVM, ut Serenissimos Principes omnes bono publico diutissime sospitet, ut
per

per eos, ceu haftenus factum est, Pax his regionibus, tranquillitas Academiae, praesidia Musis, autoritas studiis, artibus & scientiis incrementum concilietur, ad invidiam viventium, gloriam posterorum. Serva DEVS Magnificentissimum Academiae Nostrae Directorem, Reverendissimum Serenissimumque Principem ac Dominum, Dn. ERNESTVM AVSGVSTVM, Dominum nostrum clementissimum, Patriae Votisque publicis feliciter ex Italico itinere nuper redditum! Videat ille, ac laetetur natos ex sese Heroes virtute annos praecurrere, fulminare ad Istrum, vincere ad mare, victoriisque Europae omnes angulos implere. Videat nepotes quoque ex filiis, filiaque, spes & solatia posterorum! Ceu nuper ex Illustribus Brandenburgicæ cum Brunsvico-Lyneburgica Domo conjunctione natus FRIDERICVS AVGVSTVS, natus in spem imperii, inque Electoriam aliquando, Regiae proximam, dignitatem, non Avos tantum utrinque, sed totam Germaniam, imo Europam, necessitudinis vinculo conjunctam, exhilaravit, provincias vero plurimas, & civium myriades incredibili gaudio perfudit, Avorum virtutem, prudentiam, felicitatem, magnitudinemque ipsi nobiscum apprecantes. Servet vero benignissimus DEVS reliquos quoque Serenissimos Principes ac Dominos nostros, Dn. GEORGIVM WILHELMVM, Dn. RVDOLPHVM AVGVSTVM, Dn. ANTONIVM VLRICVM, Dominos nostros clementissimos! Videant omnes laetam domum suam, tranquillam Rempubl., senatum unaminem, exercitus fortes, & ceu haftenus Dei beneficio factum est, fortissimi & truculentissimi hostis, ubique Victores!

ADDEN-

ADDENDA.

CUm ad ea, quæ pag. 14. de Sereniss. FRATRUM, totiusque potentissimæ BRUNSVICO-LUNÆBURGICÆ DOMUS concordia memoravimus, illustranda, plurimum faciant Serenissimi & Potentissimi Magnæ Britannia, Francia, & Hibernia Regis JACOBI II. litteræ, nuper missæ, eas ex autographo descriptas hîc subungere operæ pretium duxi.

JACOBVS II. Dei gratia Magnæ Britannia, Francia, & Hibernia Rex, Fidei defensor, &c. Serenissimis & Celsissimis Principibus, Dominis Rudolpho Augusto & Antonio Ulrico, Brunsvicensium & Luneburgensium Ducibus, Consanguineis & Amicis nostris carissimis, Salutem Serenissimi & Celsissimi Principes, Consanguinei & Amici carissimi. Quanquam binas à Cels^{bus} Vestris litteras una accepimus, primam à Celsitudine Vestra seorsim (Domine Rudolphe Auguste) Guelfherbyti 10^{mo} die Augusti nuper elapsi

D

scri

scriptam, qua Nobis significat, se fratrem suum
 Antonium Ulricum in Regiminis consortium
 recepisse, alteram ab utrisque Vestrum in ea-
 dem urbe 18^{vo} die mensis ejusdem signatam,
 qua Rebellium Nostrorum conjurationes fundi-
 tus eversas, profligatasq̃, amicissime simul gra-
 tulati estis; tamen utrisq̃ illis litteris una hac
 nostra respondere volumus, ut sincerum No-
 strum de Vestra conjunctione gaudium eo signan-
 tius intimiusq̃ exprimeremus. Victorias qui-
 dem nostras, satis in se gratas, gratiores tamen
 sentimus, quod latitiam amicorum nostrorum
 undiq̃ nobis accersant, & præcipue Celsit^{num}
 Vestrarum, quarum amicitiam inter primas sem-
 per habebimus. Sed, ut ad Unionem Vestram re-
 deamus, totus Orbis Seren^{ma} Domus Brunsvicen-
 sis & Lyneburgensis Concordiam, animorumq̃
 & consiliorum harmoniam, jam diu merito col-
 laudat, qua tot illustres rami in unum quasi trun-
 cum robore & firmitate notabilem coalescunt,
 ut minime mirum videatur, si duo fratres in
 ejusdem Domini participationem tam facile
 conspirent. Quod ut felicitatem tam votis No-
 stris

(27)

stris, quam mutuis affectibus Vestris equiparabilem sortiatur, utq; Deus Opt. Max. Celsit^{mes} Vestras diu conservet, ex animo precamur. Dabam apud Castrum Nostrum de Windsor. 27. die Septembr. Anno Domini 1685. Regniq; Nostris primo.

Cel^s. Vestrarum

consanguineus & amicus

Jacobus R.

Middleton.

Serenissimis & Celsissimis Principibus, Dominis Rudolpho Augusto & Antonio Ulrico, Brunsvicensium & Luneburgensium Ducibus, Consanguineis & Amicis nostris charissimis,

D 2

Quo-

Quoniam etiam supra pag. 20. mentionem feci, improvisi illius vulneris, quod sibi ipsi inflixit WILHELMUS FRIDERICUS, Princeps Nassovius, litteras Ipsius, quibus tristem casum nunciat WILHELMO HENRICO Principi Auriaco, suoque exemplo proficere & cautum esse jubet, & simul, quia in illis bene adhuc de vulnere suo sperat, alias Archiatri ejus, Antonii Deusingii, quibus periculum & mortem inde secutam, narrat, uti tum mecum communicatæ fuerunt, publicæ luci exponam.

Monseigneur,

Quoy que j'aye toute la retenue imaginable de vous affliger, je ne puis neantmoins vous celer le desastre qui m'arriva hier au matin par un malheur aussi peu preven, que funeste pour moy & deplorable pour les miens. C'est que voulant faire dans ma chambre l'esfay d'un pistolet, sur ce que le feu ne voulut pas d'abord prendre à la morce, je ne l'ay pas si tost tourné pour
voir

(29)

voir a quoy il manquoit qu'il tira droit au menton,
de façon que tous mes dens en sont esbranlez. Et
que je ne puis parler ou rendre du voix articulée.
Avec tout cela j'ay de quoy me consoler de ce qu'il
il n'y a point de parties bleffés qui me doivent ap-
prehender, que la bleffure soit mortelle, tellement
que les Medecins me donnent asteur esperance
d'une prompte & entiere guerison. Dieu m'
en face la grace, & vous conserve encore longues
annees en parfaite santé. C'est le ven

Monsgr.

de V. Alt.

tres obeis, tres humble, fidelle

Serv. & Valet.

G. Fredrich P. de Nassau.

propr. manu.

¹⁵
Leew. — O⁸obr.

²⁵

1664.

Je supplie V. Alt. de prendre garde à Soy, que

D 3

des

(30)

des même malheurs ne luy arrivent avec des
armes à feu, & que je luy sois, & serve de pa-
tron, & qu'elle s'en profite.

A. S. Alt. Monseigr.
le Prince d' Orange

Honslerdyck.

Nobilissime Vir,

Luctuosissimum tandem funestissimi vulneris
eventum malui per alios, quam per me ipsum
vobis innotescere. Placide in Domino obdor-
miuit gloriosa memoria Princeps ^{31.}/_{21.} Octobr.
paullo ante septimam vespertinam, post fidei sal-
vifica, ac fiducia certa in Salvatore suum
Christum, plenissima signa, sensu interno ac
mente constante, ad ultimum penè vitæ halitum,
quin & scriptis exercens constantiam animi,
cum nullus amplius perciperetur pulsus, usq; adeo,

ut

ut tandem dispositis omnibus, quæ propriam
 ejus salutem spectabant, ac illustrissimam do-
 mum, media hora ante obitum commendaret
 celsissimam conjugem ac liberos precibus Pastro-
 rum, signatis propria manu verbis. In condi-
 endo cada vere vulnus longe periculosius, quam
 ante potuimus commodè percipere, ad oculum
 invenimus. Præterquam enim, quod maxilla
 inferior penè tota esset diffracta & disjecta, ac
 comminuta in partes, quæ singula, (quemadmo-
 dum & ipsimet dentes) globulorum in vulne-
 randis ac confringendis partibus vicinis subiè-
 re vices, etiam superior, qua parte eruperat glo-
 bus, juxta dextram nasi alam, aut paullo altius,
 unà cum dentibus disjecta erat, reliqua parte
 confracta ad oculum usque. Lingua quoque
 pars aliqua demta erat, quæ eadem antè
 fissa, & per medium, sive ossiculo, sive dente
 trajecta, ut per foramen digitus minimus trans-
 mitti potuisset, immobilitatis suæ prodebat cau-
 sam, ad quam accedebat vulnus sub lingua, pe-
 netrans ad fauces usque, quousque etiam
 muscu-

(32)

musculi faucium nonnulli, praesertim illi, qui
motui linguae inserviunt, per consensum sal-
tem male fuere affecti. Vale. Dabam Lea-
warda. 3. Nov. 1664.

24. Oct.

A. Deusingius.





gentis Atestinae semper venerabile
germen,

Et Proavis & Avis par, FRIDE-
RICE, tuis.

Post quantum Ottonem hoc visus de stemma-
te dignus,

Cæsareus crines cui decoraret apex.

Concipe nunc priscos in siccis ossibus ignes,

Dum Tibi vindicias post Tua busta damus.

SCHENCKIUS has Tibi dat, Linguis animisq; fa-
vete!

Nunquam non pietas digna favore fuit.

Est alibi virtus verum invenisse, malamque

Afflictam scabiem tollere ab Historia.

At Patriæ Ducibus meritum asseruisse decorē,

Non minus ingenii, plus pietatis habet.

*Ut generis splendore, ita virtute & doctrina
eminere cupienti Dn. SCHENCKIO
l. mg. applaudit.*

HENRICUS MEIBOMIUS.

E

Hist.

Historiam, cuius vera est prudentia iudex,
Scribere, res, SCHENCKI, stemmate
digna tuo est.

Nobile, quod tractas hoc scripto, est argumen-
tum,

Nobilis hinc merito diceris historicus.

*Prolixum affectum, genio & Genere Nobilissimo
Dn. Auctori paucis verbis restitui
scripsit*

JOH. Dencker Juris Pract.

Madrigal.

Mer lobt / mein Freund / nicht dein beginnen?
Du schreibest jetzt was nimmer wird vergehn.
So müssen deine kluge Sinnen
Den Landes-Göttern hier zu Dienste stehn.
Der Tapfre Friederich / den hoher Fürsten
Rast
Und seine Fähigkeit zum Oberhaupt erwahlet /
Wird billig unter di Gekrönte mit gezehlet /
Ob gleich ein schnöder Nord sein Glück verhindert
hat.

Dis

35
Diß lehret deine Schrift
Di dir ein Lob/ das Ewig wehret/ stift:
Vnd billig! denn/ wer di Geschichte weiß/
Vnd selb' an seinen Fingern zehlen kan
Der ist ein rechter Edel-Mann.
Wer aber selber nichts erfahren/
Auch nicht weiß was vor seiner Zeit geschehen/
Ist am Verstand ein Kind/ ob gleich er alt an
Jahren.

Gluckwünschend schrieb dises
Christoph. Zeigener/
von Niga auß Liv-Land.

Qui bello atque toga memoratam cernere
gentem,

Quæ de Guelphorum nomina stirpe trahit,
Præprimis FRIDERICI animum, quem candida
virtus

Extulit, invidiæ sustulit umbra, cupis,
Huc oculos adverte tuos. Sic nempe videbis,
Includi paucis grandia multa typis.

*Singularis amicitiae ergo
scrib.*

Georg Ehrenfried à Nauendorff
Eq. Misn.

— (—

